

Юбилей къайд гъапну

Армияиз-шад гъяларий

Хиварин гъулан культурно – досуговий центрин актовий залиь 30 – пи апрелиь табасаранарин машгур писатель, шайр, драматург Абуумуслим Пирмагомедович Джафаров бабкан гъахьхъанмина 110 йис тамам хъулан юбилейиз тлялук вуйи шадвалин серенжем клуи гъубшну.

Шадлугъар райондин библиотекаин гъягъиди Абуумуслим Джафаровдин дивнайи памятникдихь Дагъустандин писателарин Союздин терефнаан дуфнайи писателарин, шайрарин ва таржумачийрин делегацияи, райадминистрацияин руководствоми, райондин интеллигенцияин вакилари кюкйир дивбалан башламыш гъапну ва райондин культурно – досуговий центрийн актовий залиь давам гъахъну.

Шад серенжем ачмиш апури, «Хивский район» МО – йин администрацияин глава Ярмет Ярметовди Абуумуслим Джафаровдин яратмиш апбарикан, дугъан уьмрин ряккан жикъиди китну. Хъасин шадлугъар Дагъустандин писателарин Союздин председателин заместитель – таржумачи Марина Ахмедовайи ва Дагъустандин писателарин Союздин табасаран секцияин секретарь – шайр, «Дагъустан дишагъли» журналин редактор Сувайнат Кюребеговайи клуи гъухну ва Абуумуслим Джафаровдикан, дугъан эсерарикан китну.

Серенжемдин Абуумуслим Джафаровдин уьмриз ва дугъан яратмиш апбариз тлялук вуди «Табасарандин

нурар» газетдин клуин редактор Гюлахмед Маллалевди ва писатель, шайр Багъир Раджабовди докладар гъапну.

Юбилейиз тлялук вуйи серенжемдин шайрар ва писателар вуйи Пирмагомед Асланов, Гюлбике Умарова, Шахвелед Шахмарданов, «Табасарандин нурар» газетдин мухбир Шюшеханум Керимова, Абдулмажид Курбанов, Абдурагим Абдурахманов, Гусейн Абдурахманов, «Ппази» журналин редактор Феруза Султанова, филологияин илмарин доктор Сабрина Шихалиева гъулхну. Дурари Абуумуслим Джафаровдин эсерарикан, дурарин мяна – метлебнакан китну.

Шадвалин серенжемдин райондин мектебарий урхурайидари, райондин культурно – досуговий центрийн гъулгъучийри Абуумуслим Джафаровдин шийрариз дидикнайи мяълийер гъапну, дугъан шийрар гъурхну, писателин пьесийриан чукар тамам гъапну.

Серенжемдин аьхирий гъулху Абуумуслим Джафаровдин эмдин риш Гюлселем Демировайи, Сувайнат Кюребеговайи ва Марина Ахмедовайи Абуумуслим Джафаровдин юбилейиз тлялук вуйи серенжем клуи гъабхъаь иштирак гъапну варидариз ахю вуйи чухсагъул гъапну.

Р. Балабеков.

Райцентрийн али Гъалибвалин паркдиь Ватадин Ахю дявдин иштиракчийр кванин уьрхбан бадали дивнайи «Лизи къарнийир» ччвур али мемориальный комплексдихь 7-пи апрелиь призвникар Россияин Федерацияин Армияин жергийриз гъазбаз тлялук вуйи шадвалин серенжем клуи гъубшну. Му серенжем Хив ва Агъул районарин военный комиссар Пирмагомед Кубачевди ачмиш гъапну. Дугъу гъамуну ражари армияин жергийриз 6 бай гъарийваликан, Махачкалайи призвникарин сагъламвал хъанара ахтармиш апрувалика, хъасин медицинский комиссияи чан ляхин ккудубкбалан кьяляхъ баяр военный частариз поездарий вая автобусарий ади гъахруваликан, рякъяриь призвникарин чпихъна тувнайи военный форма доьхну ккуниваликан, чиб аькьюлпуди, сикинди клуи духу ккуниваликан, абийр-бабарихъди аьлакыйр уьрхюб, командирарихъна чпин абийр-бабарин телефонарин нумрийр тувуб лазим вуйваликан гъапну ва хайлин жара ууждар насигътар тувну.

Му серенжемдин гъулху райадминистрацияин главайин заместитель Мирзабег Багичевди призвникариз хайлин насигътар тувну ва армияиз гъагъорайи дурарин рякъ ягъурлуп хъува ккун гъапну.

Хъасин призвникарихъна военный билетар тувну ва дурариз чпин уьмриь важиблуп вуйи му вакъиа мубарак гъапну.

Райондиь – фестиваль

2019 – пи йисан 29 – пи апрелиь Хиварин гъулан культурно – досуговий центрийн актовий залиь РОО – йин жягътлувалиинди райондин образовательный учрежденирий айи баяр – шубарикан ибарат вуйи коллективарин арайиь «Мы дружкой единой сильны» ччвур алди милли культурийрин фестиваль клуи гъубшну.

Фестивалин мяна-метлеб Дагъустандин халкъарин милли культурийр аьгъю апбакан, Дагъустандин ва дюн йийн халкъарин культурайин аьдатарихъна вуйи гъиссар тербияламиш апбан бинайийн алди милли аьлакыйр уужб къайдайиккна хъупкан, Дагъустандин халкъарин арайиь дуствал мягъкам апбакан ибарат вуйи.

Фестивалиь 17 образовательный учрежденирий иштирак гъапну. Дурарикан 13 образовательный учреждение финализ удубчвну.

Гъамци, «Ваританна уужб милли мяъли» номинацияин мектебарин арайиь Ургъарин СОШ – дин ученица Диана Гафаровайи сабпи ийшв, Хиварин СОШ – дин ученица Киза Агамурдовайи кюьбпи ийшв, Асккан Яркарин СОШ – дий

урхурайидарин коллективди шубубпи ийшв, хъа бицидарин багъарин арайиь Хиварин гъулан «Солнышко» ччвур али багъди сабпи ийшв, Хиварин гъулан «Ромашка» ччвур али багъди кюьбпи ийшв гъазанмиш гъапну.

«Ваританна уужб милли ялхъан» номинацияин Гъванджкарин СОШ – дий урхурайидарин коллективди сабпи ийшв, Чилихъарин ООШ – дий урхурайидарин коллективди кюьбпи ийшв, Цудухарин ООШ – дий урхурайидарин коллективди шубубпи ийшв, хъа бицидарин багъарин арайиь Хиварин гъулан «Ромашка» ччвур али багъди сабпи ийшв, Хиварин гъулан «Солнышко» ччвур али багъди кюьбпи ийшв гъазанмиш гъапну.

«Дагъустандин халкъарин фольклор» номинацияин Чилихъарин СОШ – дий урхурайидарин коллективди сабпи ийшв, Ляхлаарин СОШ – дий урхурайидарин коллективди кюьбпи ийшв, Заан Яркарин ООШ – дий урхурайидарин коллективди шубубпи ийшв, хъа бицидарин багъарин арайиь Хиварин гъулан «Солнышко» ччвур али багъди сабпи ийшв гъазанмиш гъапну.

Р. Балабеков.

ПРОГРАММА ПЕРЕДАЧ ХИВСКОГО ТЕЛЕВИДЕНИЯ	
ПОНЕДЕЛЬНИК 13.05.2019	
18-00	Совещание у главы района (6+)
19-30	Концерт по вашим заявкам. (12+)
20-00	Время телесериала. (12+)
19-30	20-30, 21-20 Реклама. (12+)
ВТОРНИК 14.05.2019	
18-00	Репортаж о состоянии дорог с.Хив (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
СРЕДА 15.05.2019	
18-00	Райновости (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
ЧЕТВЕРГ 16.05.2019	
18-00	Выступление имама мечети с.Хив Везирова М.
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
ПЯТНИЦА 17.05.2019	
18-00	Фестиваль "Мы дружкой единой сильны" (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
СУББОТА 18.05.2019	
18-00	Репортаж ко Дню Пионерии (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)

Погода на неделю

	13 мая		14 мая		15 мая		16 мая		17 мая		18 мая		19 мая	
	ночь	день	ночь	день	ночь	день	ночь	день	ночь	день	ночь	день	ночь	день
Облачность														
Осадки														
Атмосферное давление, мм.рт.ст.	677	683	682	683	681	683	680	682	680	681	677	680	676	677
Температура воздуха, °С	+10	+18	+9	+18	+9	+19	+10	+20	+11	+22	+11	+23	+13	025
Влажность воздуха, %	80	89	76	81	74	75	70	72	73	75	71	73	65	68
Ветер м/с	В	В	В	В	З	З	З	З	Ю-В	Ю-В	Ю-З	Ю-З	Ю-З	Ю-З
	1	2	2	2	1	3	2	3	1	1	1	1	1	1

УЧРЕДИТЕЛЬ:
администрация
муниципального
образования «Хивский
район».
Ответственный за выпуск
- Р.К.Балабеков.
Главный редактор -
А.А. Агадашова.

Газета зарегистрирована
Управлением Федеральной
службы по надзору в сфере
связи, информационных тех-
нологий и массовых коммуни-
кации по Республике
Дагестан. Регистрационный
номер ПИ №ТУ05-00313 от
12 мая 2015г.

Авторы несут ответствен-
ность за достоверность
представленных для публи-
кации материалов
Рукописи не рецензируются
и не возвращаются
Индекс газеты: 51374
Тел: 8-909-483-20-27

Газета набрана и сверстана на
компьютерной базе МБУ «Пресс-
центр МО «Хивский район» и
отпечатана в типографии № 3. г.
Дербента Республики Дагестан,
ул.С.Курбанова, 25.

Адрес редакции и издателя: 368680,
Хивский район, сел. Хив, ул. Советская,
8, МБУ «Пресс-центр МО «Хивский
район».
Срок подписания в печать -
09.05.2019г.-17:00 ч.
Пописано в печать -
09.05.2019г.-13:45 ч..
Тираж 480
Заказ №